

ӘРКІМНІҢ ДАУЫСЫ МАҢЫЗДЫ!

ҚАЗАҚСТАН РЕСПУБЛИКАСЫ
ПРЕЗИДЕНТІНІҢ САЙЛАУЫ

20 қараша
ноября 2022

ВЫБОРЫ ПРЕЗИДЕНТА
РЕСПУБЛИКИ КАЗАХСТАН

ВАЖЕН ГОЛОС КАЖДОГО!

БӘРЕКЕЛДІ!

Кемел актердің керемет жетістігі

Жәлел ШАЛҚАР,
«Ortalyq Qazaqstan»

Еуропаның қақ төрінен асқолтай хабар жетті. Түркияның Бұрса қаласында өтіп жатқан Түркі дүниесінің «Қорқыт ата» кинофестивалінде С.Сейфуллин атындағы облыстық академиялық қазақ драма театрының белді актері, белгілі кино және театр артисі, Қазақстанның еңбек сіңірген қайраткері Қайрат Кемалов «Ең үздік ер адам ролі үшін» номинациясымен марапатталды.



Әлемнің түпкір-түпкірінен 50-ден астам түрлі көркем және деректі, анимациялық картина қатысып жатқан кинофестивалінен сүйінші жаңалықты Қазақстанның еңбек сіңірген өнер қайраткері, продюсер Қанат Төребай жеткізген.

Жерлесіміз Қайрат Кемалов белгілі жазушы Смағұл Елубайдың әйгілі «Ақ боз үй» романының желісі бойынша режиссер Бекарыс Елубай түсірген картинада басты кейіпкер – Пахраддиннің ролін сомдаған еді. «Қазақтың Керей ханы» атанған Қайрат Кемалов пен картинаның шығармашылық тобын халықаралық кинобайгеде жеткен жоғары марапаттарымен құттықтап, шығармашылық табыс тілейміз.

С.Елубайдың «Ақ боз үй» романына XX ғасырдың 1920-1930 жылдарындағы халық басынан кешкен ауыр ахуал, ел жаппай аштыққа ұшыраған тарихи кезеңнің шындығы арқау болған. Фильм де «Ақ боз үй» деп аталады.

1995 жылдың қыркүйек айынан бері С.Сейфуллин атындағы облыстық қазақ драма театрында желісті еңбек етуде. Домбыра тартып, ән салады. Өлең оқуы бір бөлек. Бұл бағытта жеке кеш те берген. Сөздің құдіретін, киесін өне-бойымен, жан-жүрегімен сезіне алатын тәжірибелі актердің ойнаған әр ролі тірі әрі табиғи. Бүгінде оның тәрбиесін алған көптеген шәкірті еліміздің түпкір-түпкірінде осы бағытта еңбек етіп жүр. Өнер бойына туған топырақтан ананың сүті, әкенің қанымен дарыған. Қандай сыйлыққа да лайық Қайрат Кемаловтың әлі қазақтың театр һәм кино өнеріне бергенінен берері мол екеніне бек сенеміз.

МЕЗГІЛ МӘСЕЛЕСІ

Көмір – бар, күрмеулі түйін – тасымалда

Нұрканат ҚАНАПИЯ,
«Ortalyq Qazaqstan»

Қыстың қамы. Ауылдағы ағайын көкжиектен көтерілген әрбір шаңға елендеп, «қара алтынды» қорабына толтырған «КамАЗ-дардың» жолын күтіп жүр.

Қарағандыдағы көмір тарату нүктелерінде ұзын-сонар кезек тұр. Жүргізушілер көлікте қонуға мәжбүр.

Әйтсе де, жергілікті билік «көмір жеткілікті» дейді...

Бір ай бұрын Премьер-Министр Әлихан Смайылов көмірді онлайн тапсырыс арқылы алдыруға болатынын айтқанды. «Бұл тұтынушыларға қолайлы, өте жақсы цифрлық шешім. Үйден шықпай-ақ көмірге тапсырыс беруге болады. Жергілікті жерлерде тиісті түсіндіру жұмыстарын жүргізу қажет», – деді Үкімет басшысы. Бастама Қостанай облысында пилоттық жоба ретінде қолға алынды. Тиімділігін танытса, өзге өңірлерде де енгізілімек. Жаңалықтың өміршеңдігі – уақыт еншісінде. Қазіргі жағдайға келсек...

Қыркүйек айындағы Үкімет отырысында Индустрия және инфрақұрылымдық даму министрі Қайырбек Өскенбаев кейбір өңірде халық тарапынан көмір сатып алу көрсеткіші өте төмен екенін айтты. Министр Алматы, Ақмола, Павлодар облыстарымен бірге Қарағандыны да атады.

– Халықтың отын қамдаудағы сылбырлығы алаңдатады. Разрездер мен қоймаларда қор жеткілікті. Мемлекеттік органдар да бағаны былтырғы межеде ұстап тұруға қатысты іс-шаралар жүргізді. Алайда, тұрмыстық отынның 31 пайызы ғана сатылды, – деді Қайыр-



бек Айтбайұлы. Тиісінше, қыс түскенде сұраныс артуынан тапшылық туындауын қауіп етті.

Дегенмен, қазір «қара алтын» баршылық. Көмірлі өлке көмірге жарымаса, ұят, әрине. Аймақ билігі бұл мәселені қырағы қадағалап отыр.

Облыстың өнеркәсіп, индустриялық-инновациялық даму басқармасы ұсынған мәліметке сенсек, 27 мың тонна қор бар. Және былтырға қарағанда биыл өндіріс көлемі артқан.

«Қантар-қыркүйек айларында облыста 15,6 миллион тонна көмір өндірілді. Өткен жылдың осы уақытымен салыстырғанда өсім – 5 пайыз (2021 жылдың 9 айында – 14,8 миллион тонна). Тұрмыстық көмірді облыстағы 1 шахта мен 5 разрезден алуға болады. Облыстың қоймаларында 27 мың тонна

көмір жатыр» делінген мәліметте.

Ел Шұбаркөл көміріне ынтық. Сапасы жоғары. Күлі – аз, қызуы – мол. Сұранысқа сай, сауда нүктелеріндегі қордың басым бөлігі де осы маркаға тиесілі. Бүгінде «Шұбаркөл көмір» АҚ тәулігіне 40 вагондылық толтыра жөнелтіп отыр.

Қарағандыдағы нан-макарон комбинаты («ХМК») маңындағы теміржол түйығы – облыстағы негізгі көмір тиеу нүктесі. Облыс әкімі баспасөз қызметінің мәліметінше, бұл жерден күніне 60-150 жүк көлігіне көмір тиеледі.

Күн суытқан қазанның соңында мұндағы кезек те күрт көбейді. Қазір қатары ештеп селдіргенімен, жиырма шақты жүк көлігін санап шықтық. Кейбір жүргізушілер тәуліктен те тұрады екен.

Мәселен, Бексұлтан Несіпбай үш жылдан бері көмір бизнесінде жүр.

Қарқаралы ауданынан келіпті. Жұма түске таяу кезектің соңына іліккен ол сенбінің таңында қақпадан әрі өткен. Алайда, бар көмір Бексұлтаннның көңілінен шықпапты.

– Қазір жатқан көмір майда. Біз тапсырыспен жұмыс істейтіндіктен тұтынушыға ұнайтын тауарды апарып беруіміз керек. Халық ірі көмір сұрайды. 20 тонна әкетемін. Жамбыл ауылына апарамын. Ауылда тоннасы – 24 мың теңгеден. Таңертең қайта кезекке тұрдым. Өлгіде ғана жаңа вагондар келді. Соны күтемін. Бүгін осында түйемін, – дейді Бексұлтан.

Байқағанымыз, кезектің қарасын көбейтіп тұрғандар арасында Бексұлтан сияқты ірі көмірді күтіп тұрғандар баршылық.

➔ 2-бетте

СҮЙІНШІ

Қарағандылық күсбегі – әлем чемпионы

Абай облысында күсбегіліктен I Халықаралық әлем чемпионаты өтіп, жерлесіміз Таңат Оспанқұл баптаған ителгі бірінші орыннан көрінді.

Ерканат КЕҢЕСБЕКҮЛЫ,
«Ortalyq Qazaqstan»

Чемпионат Уржар ауданында ұйымдастырылған. Оған алты шет мемлекет пен еліміздің түпкір-түпкірінен 100-ге тарта күсбегі қатысты. Олар Бүркіт, Қаршыға, Ителгі құстарын жарысқа қосты.

Таңат Талғатұлының айтуынша, чемпионат жоғары деңгейде өткен. Ителгі жарысы бойынша баптап-бәпестеген Самал атты сұңқар қолға қондыру кезеңінде үздік танылған. Келесі кезең – шыраға тебу. Төспінісі тегеурінді сұңқар ақтық сын қоянға салуда да қара үзіп, иесі арнайы диплом



мен 700 000 теңгені қанжығалапты.

«Күсбегілік кейінгі кезде кенжелеп қалған ұлттық спорт түрі. Өз басым жүлдегер атанғаным бек ризамын. Дегенмен, күсбегілікке мемлекет тарапынан жіті мән берілсе екен», – деген тілегін білдірді жеңімпаз.

ROBOLAND – 2022

Құлтемірдің құлағында ойнайтындар



Ербол ЕРБОЛАТ,
«Ortalyq Qazaqstan»

Кейінгі екі ғасырды салыстырып көріңізші! Арасы – жер мен көк. Жыл сайын білім сапасы артып, дамудың даңғыл жолына қол созып келеді. Оған бір дәлел – қазіргі жасөспірімдер. Олар іштен оқып туған жоқ. Керісінше, өздеріне берілген мүмкіндікті пайдалануда. Соның нәтижесінде бірнеше тіл білетін, түрлі техника мен технологияны жетік меңгерген ұрпақ өсіп келеді. Дарыны мен қабілеті ұшасқан жандарға мол мүмкіндік беретін – Roboland – 2022 Халықаралық робототехникалық бағдарламалау және инновациялық технологиялар фестивалі еді. Биыл VII мәрте ұйымдастырылып жатқан фестивальге 300-ге жуық команда, 800-ден астам үміткер өтінім берген.

➔ 4-бетте

Баспасөз – 2023

Санаттар	Жеткізусіз	«Қазпошта» АҚ қала (теңге)	«Қазпошта» АҚ аудан/ауыл (теңге)
Кәсіпорындар мен ұйымдар үшін		6 ай 5848,50	5919,00
		12 ай 11697,00	11838,00
Жеке жазылушылар үшін	12 айға 4116	6 ай 3100,50	3111,00
		12 ай 6201,00	6222,00

25 қазаннан 25 қарашаға дейін жеңілдікті тарифтер (бір жылға жазылу шартымен)

ҚҰРМЕТТІ ОҚЫРМАН!

Облыстық «Ortalyq Qazaqstan» газетіне 2023 жылға жазылу науқаны жүріп жатыр. Газетке жазылуы «Қазпошта» АҚ пошта байланысының барлық бөлімшелерінде, Ермаков көшесі, 33-үй, 8-қабат мекенжайы бойынша редакцияда рәсімдеуге болады.

Газетке 6 айға және бір жылға жазылуға болады.

Анықтама телефоны: 8 771 528 86 46, 8 702 656 70 61
E-mail: otdel.pochtoy@bk.ru

Санаты	Жеткізусіз	«Қазпошта» АҚ каталогымен қала бойынша	«Қазпошта» АҚ каталогымен аудан/ауыл
Кәсіпорындар мен ұйымдар үшін		10257,00	10470,00
Жеке жазылушылар үшін	3492	5577,00	5706,00

«Қазпошта» АҚ каталогы бойынша 12 айға жазылу бағасы: Назар аударыңыз!

«Ortalyq Qazaqstan» газеті редакциясында баспа бағасы бойынша (жеткізу қызметтерінің құнынсыз) балама жазылу жүргізіледі.

